



AGENSI PENGURUSAN BENCANA NEGARA
JABATAN PERDANA MENTERI

KENYATAAN MEDIA

19 Disember 2022

SITUASI SEMASA

Sehingga jam 4.00 petang, 19 Disember 2022, bilangan negeri yang terkesan banjir kekal sama iaitu lima (5) negeri di mana sembilan (9) daerah di negeri Kelantan, lapan (8) daerah di Terengganu, dua (2) daerah di Pahang dan satu (1) daerah di Perak dan Johor. Seramai 35,917 orang mangsa daripada 10,342 Ketua Isi Rumah (KIR) direkodkan berada di 363 buah Pusat Pemindahan Sementara (PPS).

Jumlah ini menunjukkan peningkatan berbanding laporan jam 12.00 tengah hari tadi di mana terdapat 28,686 mangsa daripada 8,201 KIR berlindung di 309 PPS seluruh negara.

Jabatan Meteorologi Malaysia (MET Malaysia) melaporkan Luruan Monsun (*Monsoon Surge*) dijangka berterusan sehingga 25 Disember 2022. Setakat semalam, terdapat tiga kemaskini Amaran Hujan Berterusan pada 18 Disember 2022 iaitu Bahaya (6.35 pagi), Bahaya (12.30 tengah hari) dan Bahaya (10.00 malam). Empat Amaran Ribut Petir dikeluarkan di pantai barat Semenanjung, Sabah dan Sarawak. Berdasarkan maklumat semasa, Amaran Siri ke-7 yang sedang berkuat kuasa ini mencapai puncak pada 18 Disember 2022 dan cerapan di stesen utama di Kota Bharu mencatatkan bacaan hujan hampir 450mm sehari.

Pada jam 03:00 petang, MET Malaysia telah mengeluarkan Ramalan Cuaca Signifikan memberi maklum bahawa berdasarkan analisis model-model cuaca, **luruan monsun dijangka berlaku di rantau negara sehingga 25 Disember 2022** dan berpotensi membawa angin kencang, ombak besar serta hujan berterusan di negeri-negeri utara, timur Semenanjung dan timur Sabah serta di perairan Laut China Selatan.

Justeru itu, MET Malaysia mengeluarkan **Amaran Hujan Berterusan** yang melibatkan negeri **Perlis, Kedah, Pulau Pinang, Perak, Kelantan, Terengganu, Pahang dan Johor** yang berkuatkuasa sehingga **21 Disember 2022**. Amaran Angin Kencang dan Laut Bergelora bagi perairan Laut China Selatan sedang berkuatkuasa sehingga 22 Disember 2022. Hujan berterusan dijangka masih berlaku di timur dan utara Semenanjung. **Hujan lebat berterusan** dijangka tertumpu di Pahang dan Johor pada 21-22 Disember 2022.

Menurut Jabatan Pengairan dan Saliran (JPS), sehingga jam 4.45 petang ini terdapat **23** sungai di mana bacaan air berada ditahap **bahaya** iaitu;

- 1) Sg. Keratong at Jalan Kota Bahagia, Rompin, Pahang
- 2) Jambatan Melor, Bachok
- 3) Sg. Lanas di Air Lanas, Jeli, Kelantan
- 4) Sg. Kelantan di Kuala Krai, Kuala Krai
- 5) Sg. Lebir di Kg. Tualang, Kuala Krai, Kelantan
- 6) Rantau Panjang, Pasir Mas
- 7) Kg. Jambu (Kuala Jambu), Tumpat
- 8) Jambatan Jerimbong, Kuala Balah, Jeli
- 9) Sg. Golok di Rantau Panjang, Pasir Mas, Kelantan
- 10) Sg. Golok di Kg. Jenob, Tanah Merah
- 11) Sg. Terengganu di Muzium Terengganu, Kuala Terengganu
- 12) Sg. Besut di Jambatan Jerteh, Besut
- 13) Sg. Dungun di Jambatan Jerangau, Dungun
- 14) Sg. Kemaman di Jambatan Air Putih, Kemaman
- 15) Sg. Kemaman di Rumah Pam Paya Paman, Kemaman
- 16) Sg. Tebak di Jambatan Tebak, Kemaman
- 17) Sg. Marang di Jambatan Pengkalan Berangan, Marang
- 18) Sg. Chalok di Jambatan Chalok, Setiu
- 19) Sg. Nerus di Kg. Bukit, Setiu
- 20) Sg. Nerus di Kg. Langkap, Setiu
- 21) Sg. Chalok di Jambatan Chalok, Setiu, Terengganu
- 22) Sg. Setiu di Jambatan Permaisuri, Setiu, Terengganu
- 23) Sg. Tumpat di Kg. Baru Kemasik, Kemaman, Terengganu

Selain itu, terdapat **7 (tujuh)** sungai di mana bacaan air berada ditahap **amaran** iaitu;

- 1) Sg. Tembeling di Kg. Merting, Jerantut.
- 2) Jam. Chegar Perah, Lipis
- 3) Sg. Luit di Kg. Subuh, Maran
- 4) Sg. Nerus di Kg. Jeram, Kuala Nerus
- 5) Sg. Long Teru, Miri, Sarawak
- 6) Sg. Lenik di Ladang Chaah, Segamat
- 7) Sg. Muar di Buloh Kasap, Segamat, Johor

Fenomena hujan lebat berterusan yang melanda negara semasa Monsun Timur Laut ketika ini, boleh mengakibatkan potensi berlakunya ancaman tanah runtuh di kawasan berbukit tinggi, petempatan dan laluan bercerun khususnya di mana sistem perparitan tidak diselenggara dengan baik. Risiko bencana tanah runtuh boleh berlaku secara mendadak atau berperingkat-peringkat dalam skala kecil atau besar.

Jabatan Kerja Raya (JKR) pada jam 2.00 petang telah melaporkan 118 lokasi terkesan kejadian banjir, 15 lokasi cerun runtuh, satu (1) lokasi jalan runtuh, empat (4) lokasi jalan mendap dan tiga (3) lokasi yang dimaklumkan terdapat kejadian jambatan rosak/ runtuh menjadikan jumlah keseluruhan adalah 141 lokasi.

Kejadian-kejadian ini telah berlaku di empat (4) lokasi di Kedah, satu (1) lokasi di Perak, satu (1) lokasi di Selangor, empat (4) lokasi di Negeri Sembilan, 57 lokasi di Kelantan, 66 lokasi di Terengganu, lima (5) lokasi di Pahang, dan tiga (3) lokasi di Johor yang melibatkan 53 jalan persekutuan dan 88 jalan negeri.

NASIHAT DAN RUJUKAN MAKLUMAT BENCANA

Bagi mangsa yang memerlukan bantuan kecemasan diminta terus menghubungi talian **999** untuk tindakan lanjut pihak berkuasa. Bagi penduduk yang berada di kawasan terdedah kepada banjir sila patuh arahan pihak berkuasa dan berpindah awal sebelum keadaan menjadi bertambah buruk sesuai dengan amaran hujan berterusan peringkat bahaya oleh METMalaysia. Mohon pantau pergerakan keluarga di kawasan banjir bagi mengelakkan perkara tidak diingini berlaku kepada keluarga masing-masing.

Jabatan Mineral dan Geosains Malaysia (JMG) telah memberi peringatan kepada penduduk-penduduk yang berada di kawasan hotspot tanah runtuh yang mengalami hujan lebat yang berterusan agar sentiasa peka dengan keadaan sekeliling dan waspada terhadap tanda-tanda berlakunya ancaman tanah runtuh di kawasan kediaman masing-masing.

Langkah kewaspadaan in perlu dikekalkan dalam tempoh 2 hingga 3 hari walaupun selepas hujan berterusan telah berhenti disebabkan keadaan tanah yang telah berlaku/mengalami peresapan air sebelumnya boleh mencetuskan terjadinya tanah runtuh terutamanya di lereng-lereng bukit yang curam yang berkecerunan 25° ke atas.

Sebagai kesiapsiagaan menghadapi banjir, sila rujuk maklumat dan amaran semasa melalui laman web <http://publicinfobanjir.water.gov.my>, facebook: [PublicInfoBanjir](#) dan twitter [@JPS InfoBanjir](#). Bagi maklumat cuaca, orang ramai boleh muat turun aplikasi [myCuaca](#) di Google Play dan App Store untuk maklumat cuaca yang terkini dan sahih dari MET Malaysia.

Bagi mendapatkan info mengenai Pusat Pemindahan Sementara (PPS), orang ramai boleh muat turun aplikasi [InfoBencanaJKM](#) di Google Play dan App Store untuk mendapatkan maklumat terkini mengenai PPS di seluruh negara.

Pengguna jalan raya diminta untuk sentiasa peka dengan amaran dan rujuk maklumat bencana sebelum memulakan perjalanan. Untuk makluman dan pertanyaan, orang ramai boleh hubungi Bilik Gerakan Bencana (BiGBen) JKR di talian [03-26107727](tel:03-26107727) atau rujuk laman web <http://bencanaalam.jkr.gov.my> atau twitter [@CSFJ_JKR](#).

Peka amaran bencana agar sentiasa bersiapsiaga. Pastikan anda rujuk maklumat terkini dari sumber yang sahih.

#KesiapsiagaanBencanaTanggungjawabBersama


Agensi Pengurusan Bencana Negara (NADMA)

Sekretariat Jawatankuasa Pengurusan Bencana Pusat

MAKLUMAT TAMBAHAN



**LAPORAN TERKINI KEJADIAN BENCANA
DI SELURUH NEGARA
(pada jam 4:00 PM, 19 Disember 2022)**



MAKLUMAT KESELURUHAN MANGSA DAN KELUARGA

Bil. Keluarga Keseluruhan	: 10342	Bil. Keseluruhan Negeri	: 5 Negeri
Bil. Mangsa Keseluruhan	: 35917	Bil. Keseluruhan Daerah	: 21 Daerah Aktif

RAMALAN CUACA SIGNIFIKAN

RAMALAN CUACA SIGNIFIKAN

Berdasarkan analisis model-model cuaca, luruan monsun dijangka berlaku di rantau negara sehingga 25 Disember 2022 dan berpotensi membawa angin kencang, ombak besar serta hujan berterusan di negeri-negeri utara, timur Semenanjung dan timur Sabah serta di perairan Laut China Selatan.

Justeru itu, MET Malaysia mengeluarkan Amaran Hujan Berterusan yang melibatkan negeri Perlis, Kedah, Pulau Pinang, Perak, Kelantan, Terengganu, Pahang dan Johor berkuat kuasa sehingga 21 Disember 2022.

Amaran Angin Kencang Dan Laut Bergelora bagi perairan Laut China Selatan sedang berkuat kuasa sehingga 22 Disember 2022.

Orang awam adalah dinasihatkan untuk sentiasa merujuk laman web www.met.gov.my dan semua media sosial serta memuat turun aplikasi **myCuaca** bagi maklumat yang terkini dan sahih.

Dikemas kini : 19 Disember 2022, pada 3.00 petang



JUMLAH
KESELURUHAN

141

LOKASI

JALAN PERSEKUTUAN

53

JALAN NEGERI

88

LAPORAN KEJADIAN BENCANA

19/12/2022 @ 02:00 PM



BANJIR
118



CERUN RUNTUH
15



JALAN RUNTUH
1



JALAN MENDAP
4



JAMBATAN
ROSAK/RUNTUH
3

<http://bencanaalam.jkr.gov.my>

03-2610 7727

@CSFJ_JKR